

宋

史

翼

宋史翼卷三十二

陸心源輯

列傳第三十二

忠義三

林景曦

袁鏞

胡廷桂

夏師堯

張漢英

王子翼

唐泰嶽

周眞

許伯繼

章堉

劉源

王貴行

周偉

楊義忠

林澤

吳楚材

李成大

李梓發

何時

李天勇

趙時踐

顏希孔

李長庚

吳世鳴

鄭采翁

葉爾祖

黃俊

吳寶信

劉階

周宣

林琦

程楚翁

江友直

張樞翁

顏斯理

吳觀

陳非熊

方洪

王小觀

鮑叔廉

唐元章

毛附鳳

張炎

夏倚

陳瓚

熊飛

傅高

劉伯文

孫璫

馬南寶

胡敬方

黃介

謝徵明

陳琚

羅開禮

錢淵龍

吳希奭

胡文可

周來奔

廖明哲

趙必煜

趙必諲

陳尉德

蔡振先

趙與珞

謝明

謝

富

冉安國

黃之傑

伍隆起

雷龍濟

陳堯則

王德欽

彭九萬

柳敘

蘇十萬

王用龍

林景曦字德陽號齊山温之平陽人咸淳七年自太

學釋褐授泉州教宮歷禮部架閣轉從政郎元兵南下遂不復仕至元十五年楊璉真伽盡發宋諸陵時景曦故爲杭丐者背竹籬持竹夾遇物卽以夾投籬中又鑄小銀牌繫腰間賄西番僧僧左右之果得高孝兩朝骨爲兩函貯之葬紹興之蘭渚山植冬青樹志之聞者莫不景仰稱壽山先生往來吳越廿餘年居雲間甚久有雲間懷古神仙訪僧二陸故居澱湖黃耳冢諸作所著詩文集十卷士林傳誦之

陳志

袁鏞字天與

成化志

其先南昌人有子誠者知臨安府

以事至鄞遂留家焉

戴良撰袁廷玉傳

鏞治春秋有文武才

尚氣節

蔣景高撰傳

嘗中省元

袁鈞鄭北雜詩注

咸淳七年成進

士蔣傳授簽書平江軍節度判官

鄭北雜詩注

以父憂未卽

仕案詩注作以

國事日盛

蔣傳

鏞竊歎曰所貴乎士者

以有義焉耳天下之勢殊未可過夫生爲宋臣死則

宋鬼顧吾無寸兵尺地不能捍禦以固社稷得仗義

執言從常山睢陽于地下不失爲宋國臣足矣會宗

室趙孟傳以沿海制置使鎮四明將作少監謝昌元

亦寓於明故與相友善鏞因倡言曰時不利矣願公

等食君之祿爲國重臣鏞亦忝進士名聞朝廷爲臣

死忠此其日也幸無忽三人因相結納誓以死殉國

卷之二十一 元兵至鄴遣遊騎十八人駐城西山資教
寺孟傳昌元謂鏞曰爾第先往曉以逆順我二人卽
將兵繼之鏞往遇其騎將首問行在存亡爲之開陳
大義具言四方勤王之師日至恐汝北歸無日北兵
聞之疑信猶未決明日元兵四集孟傳昌元懼乃以
兵獻于慈谿之車廐鏞失援被困因挺身與接戰自
辰至酉力不支爲所擒元將愛其才勸令降曰不死
且富貴不降卽燒戮汝鏞罵曰我爲宋臣死則死爾
終不從汝元將怒取燄箕穴其中加于鏞頸旁縱火
燎之鬚髮且盡鏞辭愈厲復以刃劫之罵益振遂遇

害實是年三月十日也屬清明墓祭備家人上塚回

舟次龍山聞鏞死三子二婦三孫二妻伯祖妣胡與

其子妻二子及姑之子曾祖之側室若婢合十七人

悉驚悼赴水死惟仲子潤祖

案原作澤民據袁士元
教授府君行實改之

甫六歲亦在湖中僕沈蘭出而藏之黃猛洞土塚裏

青糴黑飯食之比五日兵退克還守閩安利其篋筒

復投置大水壑中僕赤脚搜出之得免

將潤祖字澤

民號野航善詩尤工草書入元爲鄞縣學訓導遷慶

元路儒學教授卒年八十二

袁士元撰
潤祖行實

胡廷桂字伯詵婺源人登咸淳七年進士授平樂尉

饒守唐震素知其才辟居簽幕德祐元年元兵臨城
與震協謀捍禦力窮城陷方襄創治兵聞震縊死亦

死之徽州府志

夏師堯字達德休寧人之時子登咸淳十年進士授
諫議郎嘗忤權奸被謫後陞翰林學士遷承旨羽翼

扈從祥興帝航海元兵襲崖州死之徽州府志

張漢英率化人幼聘呂氏女後女雙髻請辭漢英曰
聘時無恙而今喪明命也卒娶之咸淳間勅守樊城
爲元阿木所圍舉善酒者置蠟書於髻中潛積草下
浮水而出往荆鄧求援至盤口被獲於是荆鄧之路

絕出銳師薄樊城漢英死焉

兩漢名賢錄

王子翼字汝翼南昌人咸清進士官廣德縣知縣德

祐乙亥四月元兵由西道壓境城陷死之

府志

唐秦嶽號廣方宣城人宋相介後度宗時爲寧國軍

節度遂卜居焉元兵渡江秦嶽力戰采石不支退守

寧國元人來檄降秦嶽曰世有降節度耶元令圍久

者下之日屠其城秦嶽謂其妻曰吾不如先死以存

數萬百道遂夫妻同日死城得免屠士人德之

寧國府志

周真字子繼旌德人咸淳中奉文天祥劄授本縣尉

元兵壓境力戰死之一

統志

許伯繼字爲可東陽人父子良仕至台州守伯繼以
蔭入官咸淳末差婺州通判時李珪開府處州辟伯
繼主管機宜文字未幾移閩永嘉元兵入臨安三宮
北遷宰相際宜中以衛益二王如永嘉元兵追及之
力戰數日城破珪降伯繼就縛不屈死之

金華先
民傳

章瑄永康人咸淳末都城失守浙東諸郡多陷時衛
益二王在福州瑄與弟瑩捐家資募忠勇得義兵數
千收復婺城制置使李珪以聞授瑄直祕閣知婺州
瑩主管官誥院通判衢州與元兵力戰於丁鼠山援
絕城陷瑄與瑩皆死之

金華先
民傳

劉源字叔清淮西野人原義兵長也

野人原性慷慨

負大節咸淳中聯絡山寨保捍鄉里德祐元年范文

虎以安慶降元景炎二年源與華人張德興殺太

縣丞據司空山傳高舉兵應之羅建德野人原相特

角復黃州壽昌軍與元宣尉使鄭鼎戰築口墮敗墜

水死八月元兵攻源寨不克遂移兵襲司空山張德

興傳高皆死黃州復陷源不勝憤力戰而死自景炎

至祥興守禦凡三年

一統志

王貴行蜀之洪雅人咸淳間爲德興丞

蜀志作 元兵

取饒州通判常福以城降屬邑皆望風款附獨貴行

不屈曰吾幼學壯行惟忠與孝耳竟赴水死

江西道志豫章

書饒州府志
四川通志

周偉德祐間爲浮梁丞元兵起偉日以守無城以戰無兵奈何受人之命不爲其事非仁也食人之祿不死其難非勇也卒死之

江西通志
豫章書

楊義忠字大書甯國縣吏德祐元年元巴延攻甯國知縣趙與穡戰死義忠率眾城守凡六十晝夜出戰死贈武功大夫

宋史恭宗紀一
統志甯國府志

林澤字堅叔雅好梅自號梅逸幼穎悟博學多聞居親喪致毀瀕死遂絕意進取惟杜門教子家本僅足

口未嘗言利而以周急爲樂。初惠生道院，延良醫病者藥隨需不少。靳至，驚產以給里人，賴之。德祐元年冬，時事孔亟，人皆勸入深密澤，謂青山去城一舍而近。祖父墓在焉，必此乎。依明年三月十六日遊騎，猝至，執之脅令首路，大罵不屈，以死。年五十六。

陳著撰
林隱君

洞堂

記

吳楚材名炎，以字行。南城人。德祐元年建昌降，明年春楚材還鄉，糾集民兵。旣失利，且乏援，元兵誘降其衆，多解去。楚材走光澤，爲人所執。及其子應登，以獻郡錄事龔南良。訊之曰：汝何錯？舉楚材抗聲曰：不錯。

不錯如府錄所爲大錯耳吾一鄙儒特爲忠義所激
爲國出力事雖不成正不錯也南良愧而語塞吳浚
爲江西制置招討使斬楚材子傳首諸邑益王立於
福州聞而哀之贈官朝奉郎卽邵武境上立廟賜名

忠勇

林志

李成大建昌人登進士德祐初知金壇郡元兵至與
戰不勝吏民脅成大降乃潛與胡用存謀復金壇事
泄繫獄榜掠不屈遂殺其二子以懼之終不屈笑曰
子爲父死臣爲君死卒殺之詔贈直祕閣諡忠節

人志

李梓發字材甫上猶人德祐元年以世族舉爲南安
三縣巡檢元兵圍上猶梓發隨邑令李申巽及邑中
諸義士堅守不懈元兵死傷甚衆旋解去文天祥表
梓發爲團練使督府諮議收之幕下申巽請梓發往
來贛圖戰守祥與己卯元兵復至梓發與邑令城守
益堅時天祥兵敗續行朝亡子黃桂絳爲元卒所獲
令脅榜入城招降且傳崖山之難梓發大怒戮桂絳
無何城陷梓與子姓四十七人皆自焚同時有唐仁
黃賢張伯子劉淵子張南陽清叟及邑令李申巽俱

通書人物

何時上猶人隱居博學元兵攻上猶時率僕從義勇
與戰力不支被執強之降厲聲曰恨吾力不能殺汝
肯降乎元將怒去其舌遂遇害舉家死之

府志

李天勇臨川人從謝枋得學爲人尙節義德祐初元
將攻饒州枋得舉兵援之天勇統強壯應援大戰樂
湖坪兵敗與張忠孝俱死

林志

趙時踐字容月當塗

舊作采石

人宋末爲廣德司戶參軍

郡守重其才伎攝建平縣事元兵南下先馳至東門
時踐登縣樓撻鼓打鉦爲守禦計城陷與妻子僕妾

八人赴溪潭死

南畿志

顏希孔彭澤人爲本縣簿未末元師南下取安慶江
州希孔率民兵八百人大聚舟楫各載石萬計戰於
江中飛石四擊敵舟幾敗已而石盡力屈被害民爲
葬其骨於鳳凰山麓

人物志

李長庚字子西新昌人初任清江尉再調湘潭丞元
兵至同寅皆遁獨長庚攜諸司印居守被執不屈死
士友葬於學地并爲文表阡

林志

吳世鳴蘭谿人歷官提幹終錢塘縣令時元伯顏駐
軍江沙世鳴挺身出戰死之

舊浙江通志

鄭采翁字季華壽昌人性剛果好讀書學兵法元人

固臨安遂倡義勤王收集鄉兵與宋潰卒設部伍習
騎射義聲感激人皆效死俄而京師失守兩宮北遷
元將唆都陷建德府安撫方回降遂犯白沙渡采翁
率所部拒之力戰數合兵敗被執仗義不屈死之嚴陵志

葉爾祖字德平樂清人尚氣節辟史館編校晚年退
居教授聞元兵渡江謂子弟曰吾生爲宋臣死爲宋
鬼卽具衣冠望闕辭躍入所居楊樓水中兩浙名賢錄

黃俊南海人沈重有謀宋末爲推鋒軍將性剛毅不
能隨時俯仰見上官指畫兵事語纏纏不少休每所

主持堅不回或沮之而卒如所言由是知名德祐二
年元兵陷臨安廣東經略使徐直諫遣人赴隆興納
款元阿里海牙呂師夔亦來徇廣州未幾益王歸位
直諫乃遣權提刑郡人李性道領摧鋒軍及水軍桂
扼元所遣將黃世雄等摧鋒軍俊與陳實爲之將水
軍則謝賢爲將兵號二萬俊察實賢無忠憤心會晤
間每曰奇男子當斬敵取侯王勿囁囁作兒女憐憐
世忠岳武穆吾等儕也至石門遙望敵騎擁山寨川
性道大恐俊進曰彼觀敵軍部伍未整分兵爲兩翼
登途遮其後擊之可以得志性道不從賊舟岸澁不

戰既而敵結陣成列鼓噪而前俊奮身大呼率眾迎敵力戰實等退縮不爲之援遂敗奔還直諒聞之臂通元黃世雄等遂陷廣州授性道實賢官俊拒不受實賢等共殺俊俊慢罵不絕口而死東莞熊飛先爲世雄守惠潮二州聞制置使趙潛集義勇討世雄等飛卽應潛世雄度不可守乃出走飛兵至廣州性道出迎謁飛執之後十日潛與轉運副使趙淇至次日安撫方輿至索陳實謝賢告俊斬之并戮性道廣人萬口稱快廣人憐俊舉其厚葬之

彭森撰
黃俊傳

吳實信字叔誠宣城人以蔭爲龍泉令元兵入臨安

寶信從張世傑奉二王如福州復遷泉州會蒲壽庚
亂率淮兵百人力戰死

一統志

劉船承豐人咸淳進士素以節義自許元兵入臨安
三宮北遷船撫膺大勳既聞益王卽位於福州乃徒
步至行在從文天祥勤王授軍前討議後與元兵戰

歿於陣

江西通志

周宣字公猷錢塘人仕職方郎中德祐丙子元師次
皋亭宣上表請兵禦之時陳宜中主降議不報因自
集族黨家丁爲報國計及元兵入臨安帝后遠狩宣
乃北面泣拜率眾與戰身被刀矢負痛手格殺數十

人隨遇害文天祥以詩哭之曰孤忠莫克援額軍一
死名高百戰動總恨權奸多異議難榮玉石不俱焚
殺身卻羨君先我殉國終當我繼君他日幽魂逢地
下血應化碧氣凝雲

瞿佑周
宣傳

林琦福建閩縣人德祐二年元兵迫臨安琦於赭山
結忠義數千人捍禦海道以功補宣教郎丞相文天
祥開府南劍辟琦主管機宜文字充檢院官天祥入
廣琦權通判惠州元兵迫惠境琦從天祥奔潮陽朱
幾敗於五坡被執脫走惠州復爲遊兵所獲護以北
行至建康以憂憤卒天祥聞之歎曰琦可謂不降其

志矣同時閩士入幕府者有秘書郎謝杞充主簿
宜文字許由李幼節吳文炳林棟充幹辦架閣官空
坑之敗杞由幼節不知所終文炳棟被執至隆興遇
害文炳受刑時吏卒摔辱之文炳笑謂曰我與爾亦
各爲其主耳何辱我爲至死不屈

福建通志

程楚翁婺源彰睦人元兵入臨安江東皆下楚翁散
家資結死士將復郡城事洩被執榜掠幾死夜路守
者得脫之鄱陽投馬廷鸞聞謝枋得在閩遂入閩從
之事稍定潛歸後復走閩歷十餘年間闕險阻一寓
於詩有黍離麥秀之感讀者無不流涕枋得被執北

去楚辭送情死遊旅中

新安文獻志八
十七卷禮書士傳

江表遺事德正歎人友直以厲爲經學長陞本州教授伯顏入臨安友直升堂痛哭示諸生以大義不食死葬梅口之原書其墓曰餓殺塚今人呼其山爲餓

殺山

徽州府志

張履翁顏斯理俱永新人與彭震龍同起義兵敵血城守值元兵突至有劉磐者爲內應城遂破磐亦采新人素無行義至是屠城以快私憤二人被執不屈同時死之里人至今稱爲勤王忠義之家

林志

吳觀字叔大新昌人富爲稽山書院山長元兵入浙

東恭帝北轅檄報與邑人陳非熊協謀奉宋宗室趙節使圖恢復集義勇千餘繕城固守力戰死非熊弟熊彪虎子主學姪璠坑數千輩皆被害惟子壩留新昌獲免痛父死難屏居讀書後至元十四年婺寇掠新昌邀擊陳宣慰壩率宗人赴援聞宣慰被殺憤激決戰皆沒於敗兵嶺可謂世濟忠烈云

兩浙名賢錄

方洪福建莆田人咸淳末知温州德祐二年元兵逼浙東詔命秀王與擇出瑞安與洪共任備禦已而瑞安被圍城中危急洪誓以死守小校李雄夜開門納元兵洪情與擇率眾巷戰兵敗被執俱不屈而死

福建

通志

王小觀瑞安人善槩每以忠義自許元兵至溫竟抵瑞安陶山小觀乃悉傾家財召募勇敢者千餘人出陶山迎敵彼眾我寡退入小溪元兵追之力莫能當遂被執不降臨刑罵不絕口而死

兩浙行
賢錄

鮑叔廉世家樂清末末元兵下台州叔廉率宗族倡義兵結寨七十二據險揭旗溫台之界曰台州雖降溫州不願爲之氓元將怒用茅畚牟氏導殺叔廉死之族無噍類遺子約己方五歲有家奴嚴敬翁李宗善逃匿陰溝至夜躋舍後山藏叢棘中拾山果食之

兵法方下長有室生五子鮑氏蓬齋

黃箱藥
以記

唐元章一名太初字子煥蘭谿人韶之弟也爲文思
院官德祐失國二王南遷元章與兄韶子良嗣起義
興復時元兵壓蘭谿元章與戰於黃溫灘破之斬其
將奚達魯元兵退保桐廬遂進兵拒守嚴州良嗣加
闕門宣贊武翼將軍江淮闕所都統兵馬使相持二
年糧援不繼戰不利趨閩以圖再舉元兵大至元
章戰死於龍游白雲寺前元主帥唃都魯以雙虎符金
牌招良嗣不從亦戰死於仙霞嶺

兩浙名
賢錄

毛附鳳宋室北遷益廣二王入閩取道江山元兵急

追附鳳以義兵遊之二王得抵閩而附以身嬰其難

正德狂
山縣志

張炎字汝玉廣陵人身七尺長鬚髯有節慨補州
牙兵隨制置李庭芝潰圍赴行在追者及之麾下烏

獸散炎獨鬪死

揚州府志引
杜本谷音

夏椅字景實德興人補太學生會朝廷起復史嵩之
率同舍人上書爭之不報登進士授安慶教授選知
鉛山書視民如傷四字於座右歲饑救荒有奇政既
解去謝枋得作清廉引以紀其績遷安慶通判元兵
至郡守范文虎降椅思勢不能支遂飲藥死

江西
通志

陳瓚字瑟玉福建莆田人曾祖俊卿瓚於文龍爲族
父行少有大節知天下必亂無仕進屢散粟帛以濟
饑寒曰世受國恩吾當爲國收民心耳及買似道潰
師蕪湖文龍被主召赴行在瓚語文龍曰天下大勢
已危今列郡團兵自守此不足以討賊適足以餌賊
也莫若勸上召四方兵屯聚沿江要害擇賢王與文
武材幹之臣分督之敵若來戰併力齊奮猶可爲也
文龍恤然曰叔父策固善然柄國非人恐不能用是
行也某必死之德祐二年十一月端宗趨廣州命文
龍開闢興化瓚發家財三百萬楫航海助張世傑軍

世傑欲授以官瓚曰某激忠義而來豈買爵耶不受而歸十二月叛將林華等以興化降元文龍被執北去瓚曰姪不負國吾當不負姪陰部署賓客募丁壯明年二月晦攻華等誅之復興化軍以其首告於祖廟表奏行在詔以爲通判權守興化與世傑特角復福泉二州九月元將唆都率兵攻興化瓚號令嚴整每巡城必南向號勸士皆感奮十月旣望元兵蟻附登城瓚力不能支尙率家僮及義民五百人巷戰元兵死者千餘瓚被執唆都欲降之瓚罵不絕口唆都大怒車裂於五門以徇屠城三時血流有聲世傑以

其事聞贈兵部侍郎諡忠武子若水世傑辟爲督府

架閣

福建通志

熊飛東莞榴花村人有武略善騎射李用之壻景炎元年六月元軍入廣州飛起兵勤王聞文丞相天祥經略江西將往隸焉爲元將黃世雄所扼飛陽爲元人守潮惠世雄疑之謀殺飛飛以舟師遁還東莞舉兵應趙潛世雄遣其將姚文虎追之至榴花村飛勒陣斬之盡殲其軍九月制置使趙潛至飛以兵應之攻梁雄飛于廣州世雄懼拉維飛等出走飛遂復韶州新會合會遂龍亦率兵至廣州降元通判李柱道

出迎飛與逢龍數其罪而誅之潛逃入廣州飛以其
道逆節甚明乃沒性道家焚其居是年景炎改元之
六月也元將呂師夔張策等將兵度梅嶺十月潛遣
飛與逢龍禦之于南雄尋使將校劉自立守韶州逢
龍戰死飛退保韶州元軍師夔等圍之飛晝夜督兵
登陴且守且戰守將劉自立以城降飛巷戰敗績赴
水死所居銅嶺去城十里有塔曰榴花塔飛起兵時
與元兵大戰處每陰雨猶聞金鼓之聲塔左爲花溪
右爲銀塘有巨石四飛自刻花溪銀塘四大字亂之
復整人以爲神

黃志

同時許之聖者城西人集兵赴義

榴花之戰鑑功爲多飛死鑑走從文天祥於汀州力

戰五坡嶺被執不屈死

舊廣州志

傅高太湖人景炎中張德興起義兵高率眾應之爲

元所破被執不屈死之

一統志

劉伯文字政平吉水人以武舉賜第從勤王景炎二

年督府駐興國伯文受檄結約遠近至袁州仰山廟

爲巡兵所執搜其行李得文書甚多伯文慷慨自引

一不以累人獨斬於市家屬徙燕

吉州正氣錄江西通志

孫璿字壽朋願質子以父蔭入官初調潭州司戶參

軍轉建昌軍紹興府錄事參軍改宣教郎知臨海縣

案臨海縣志作治祐元年任去景炎二年殉難
凡三十六年太遠又案浙江通志作知臨安謀

有能聲進通直郎

柳貫撰墓誌

丞相葉夢鼎湯漢尙書王

應麟嘗以文章政事薦之

至正志

景炎二年八月

案原作至

元十三年依宋史改正

元兵渡錢塘下浙東所在釋騷璫奉其

母黃夫人在官及久將代命家人御之先歸既受代

卽辭還次柵墟逢鄉人言夫人不舍其子復往臨海

且數日璫倉皇追奔及之而元兵已薄城下璫與一

力躬負板輿窮日兼行翼將先入未至遇兵母子遂

俱陷難死十二月二十五日也璫奉母盡孝養於璫

嚴而有恩公退必詰其所理之政平允則喜溢顏開

一或未然深加責譙曰我見爾父決事多當否乃易知耳璵死年纔四十子嗣明將仕郎孫元蒙

墓誌

馬南寶香山人家饒財能讀書好義尤工詩景炎二

年十月

匡山志作九月

端宗自潮州之淺灣航海避敵過邑

境南寶獻粟千石以餉軍端宗敕獎之召拜權工部

侍郎時帝舟爲元師所迫十一月丞相陳宜中少傅

張世傑殿前指揮使蘇劉義奉帝幸沙衛暫宮于南

寶家南寶竭力保衛帝躬勞瘁備至元人無知者居

數日元兵陷廣州諸將召募潮居里民數百以行南

寶謂諸將曰功成之日當以奉迎孝恭懿聖皇帝爲

先因飲諸將酒曰痛飲黃龍府在此行也遂歌岳武
穆直擣良驅之句以相風勵慷慨激烈聞者莫不壯
之帝舟將復駐淺灣未至元將哈刺歹及宜府榮維
飛招討王天祿等來襲世傑等與戰于香山島敗績
將士被執甚眾陳宜中所統眾尙數千人舟八百艘
走秀山中流大風壞舟眾多溺死宜中僅以身免十
二月張世傑奉帝舟退保秀山尋次于井澳丙子颶
風大作舟敗幾溺帝遂得驚悸疾旬餘諸兵士稍稍
來集死者十四五元將劉深復襲井澳世傑力戰卻
之陳宜中欲奉帝走占城乃先往諭意遂逃去南寶

聞之慟哭曰丞相必不返國事危矣後果然景炎三年春都統凌震復廣州南寶賦詩志喜時帝舟次于化之碇洲疾大作四月帝崩衛王昺卽位走厓山張世傑等從之而曾淵子充山陵使奉帝還殯南寶家僞爲梓宮出葬

南寶募人爲疑塚于壽星塔三處

其實永福陵在厓

山焉南寶方赴厓山會阻瘠旦夕譖語未嘗忘也宋

亡逃匿不降

黃志

嘗作詩曰目擊厓門天地改寸心難

與夜潮消又曰眾星耿耿滄溟底根不同歸一少微

聞者哀之

廣東名勝記

相傳端宗臨幸時丹荔方熟常摘

一枝其後經摘處風味獨殊人以爲異

嶺海名勝記

已而

元兵欲屠潮居里人爲南寶危之南寶恬不爲動後
聞陳宜中奉帝昺猶在占城元主忽必烈下令捕之
於是招討使黎德梁起莘與南寶起兵運糧往迎車
駕元萬戶王守信諭起莘歸降起莘奔還馮村德與
南寶討其叛兵大敗南寶被執不屈死之起莘遂仕

元至都元帥

黃志

胡敬方分甯人任臨江路僉判元兵至率眾死守屢
拒戰誘之不肯降及城破元將張宏範執至瑞州不
屈而死宏範函其首而去家人以其身歸葬焉

林志

黃介字剛中分甯人意氣卓越善兵法帥鄉民登龍

安山爲保聚計元兵至砦介堅守不去顧謂家僮陳力曰爾盡力勿走力曰主在死生同之介身被鏃如蝟面頸腹中十三矢倚柵而死力亦死妻劉掠子用中獲免及長求母逾十年得於京以歸州里稱黃孝

子云

林志

謝徽明枋得伯父也以特奏恩爲當陽尉攝縣事時天基節上壽元兵奄至徽明出戰死二子趨進抱父

屍亦死

江西通志

陳琚字奉先敏曾孫倜儻有英概官襄陽帥府屬呂文煥以城降元琚爭之弗得率妻子偕死弟瓊字昭

宋史翼

卷三十一

三

先官懷仁令元兵歷安慶路守者風靡懷仁城陷瓊

借妻子死之

江西通志

羅開禮字正甫永豐人袁州教授江上兵起文天祥
辟知永豐倡義以仗大節連兵鄒鳳駐師永豐深溝
固壘蓄養銳士攻吉安南贛南雄大捷響應垂下臨
洪忽吉贛軍潰元李恆兵又自陸興來乘勝追及空
坑天祥幸脫恆大索開禮開禮隱巖中執囚吉安不
屈八日不食而死天祥爲制服慟哭祭之

江西通志

錢淵龍字申叟吉水人文天祥勸王以淵龍爲招討
副使率兵復泰和會元帥李恆遣偏師至力戰鍾步

與弟翔龍同日死天祥被執北行過戰場爲文祭之

江西通志

吳希奭安福人文天祥起兵奭自以名通於督府聚眾數千復袁州萍鄉與北兵會據險待命以眾寡不敵一門三十口俱死

吉州正氣錄江西通志

胡文可字可山泰和人有謀略便騎射文天祥起兵文可從之參謀禮爲上賓先一夕天祥夢火明日文可緋衣謁軍門與語喜曰殆天以資我耶爲更名夢炎及兵敗文可亦被執脫歸後集兵赴難而死其弟文靜先授提督時無敢拒北兵者拒卽屠而泰和已

下乃招致文靜不屈曰寧死不負趙氏遂闔門死之

江西通志、蕭志舊案前志載文可脫歸後卒於家
與此不合其弟文靜之死及胡氏闔門殉難事失載
今改

補

周來奕字仲方南昌人應文天祥募授招勇校尉或
曰如天命何來奕曰卽不克恢復吾以媿甘心臣虜
者未幾與元戰死之同里有周安起字桂伯爲建陽
簿景炎二年元使入閩招諭安起僞與過從陰謀殺
之事敗解赴上都不屈死

府志

廖明哲字元甫福建將樂人文天祥開府南劍授明
哲督府架閣監軍出江西收復萬安尋復龍泉又躬

入野坡連結諸寨拒元兵被執不屈而死文天祥集
杜詩以哀之曰諸生舊短褐張目視寇讐高義依然
在白骨更何愛

福建通志

趙必煜字伯暉福建人太宗十世孫補承務郎愷望
中原慨然有祖述之志從益王至永嘉轉承議郎貳
趙吉甫南外宗正益王卽位福州招撫使蒲壽庚與
田子真叛降元必煜逃莒電郵子真遣兵勒還草降
表必煜持匕首自刺吉甫抱哭曰我愧死萬萬不能
復見子矣張世傑回兵圍城壽庚盡殺宗室錄曹參
吳伯厚以計出必煜遂居泉之東陵不復問入關事

與諸生講解經傳終身尤長於典禮著有茹芝東陵

等集

福建通志

趙必辭宗室爲長樂主簿宋亡不仕易名文孫專以

講授爲事

福建通志

陳尉德福建德化人與元兵戰旣被害猶馬上馳歸

南關首墜過東闕下馬尸猶挺立邑人立廟其地以

祀

福建通志

蔡振先字德揚福建漳浦人宋末授鳳州總管爲元

兵所執說降不可臨以刃不屈遂遇害

福建通志

趙與珞咸淳初爲瓊管安撫使至帝昺祥興元年秋

元將阿里海涯略地海外遣宣慰舊帥馬旺招降不
聽率義勇謝明謝富冉安國黃之傑

謹案傑史作記

等兵禦

白沙口極力死戰舟師不得登岸久之元將患焉冬

十一月壬辰

謹案

因購內應執與瑒等

以降

謹案

合檄罵不屈元將怒皆裂殺之與瑒素有膽略海外

諸蠻小國皆倚爲重旣死由是四州縣及外蠻皆附

于元

謝明謝富冉安國黃之傑俱瓊州人宋末祥興元年

從安撫趙興咨拒元兵于白沙口極力死戰被執慢

罵不屈元將怒皆裂殺之戴志

伍隆起新會人今縣三世事宋高祖珉高宗朝為嶺

南第十三將守南恩州卒於官子朝凱擇新會之文

章里居焉生子之才仕至陽春尉之才生天麟官至

龍井場提幹天麟生隆起值宋季世帝舟次匡山

隆起以祖父三世受祿于宋非死不能報于是率鄉

民為義兵捍衛且貢米七百石粵大記作七千石先是元帥

張宏範已入廣州民咸附之隆起力戰累日不沮

為其下謝文子所殺以其首降元丞相陸秀夫遣人

取遺骸以木刻首葬於文運口山在新寧城後秀夫

在新寧城

募得文子戮之祭隆起之墓故令人猶名其墳爲釘

頭墳村爲釘頭村云

陸山志

大忠祠成祀隆起於東廡

題曰宋義士贈州判伍隆起位蓋當時所贈官也州廣

人物傳

雷龍濟字耕祿福建建安人鄉貢進士舉義兵隨帝

昺至厓山兵敗沒於萬石灘

福建通志

陳堯則字敬于福建仙遊人再大四世孫以父蔭補

餘姚尉歷知吉水帝昺溺海堯則死之

福建通志

王德欽福建長汀人祥興間除駕前指揮使帝昺沈

厓山同時殉難

福建通志

彭九萬字好古福建崇安人嘗爲太學生上書論其
似道奸狀不報宋亡不仕後黃華寇亂以兵脅降九
萬斥之遂遇害

福建通志

柳敘字元德貫從父也爲閩谿縣尉宋亡慟哭絕食

而卒

浦陽人物補遺

蘇子萬欽裔孫福建德化縣人宋亡破家募義兵拒

元屯駐天平城羅城諸山後戰敗於水磨被殺遺立

不仆血漬石上朱殷不減色人建水府廟祀之

福建通志

王用龍字震叔進賢人宋亡誓不爲異國民時謝枋

得招諭江西用龍檄眾往附其詞曰以燕人而伐我

全趙璧而歸趙爲元鎮守兵所獲家人饋食至碎食
器劇吭而死

豫章書

宋史翼卷三十一終

男樹

麟

校字

宋史翼

卷三十一

五

龍震翁

喻南強

王公袞

黃國華

李平字仲和世居四川唐安郡有高行三皆眾人所難能淳化中蜀寇起大擾州邑雖父子或不相攜持以遞母劉氏方娠平纔十歲侍而往俱匿野澤中既生子病且不粒平晝夜望天號泣若以危難訴之求完其生已而採蔬如藥者煮以飼疾乃愈會有盜過又得所棄米以具饘粥盜稍息扶以還舍父老驚異歎服謂其篤孝爲神靈陰助雖漢江次翁唐支叔才殆不能過旣長善治家不爲米鹽斗筲之計而田至

數頃貲數萬諸弟欲析其產平一毫不忍私罄所有
與之里人稱其友愛自是不復營產惟聚書延賢師
友以教子或告之宜少蓄藏畀後裔平曰吾子苟力
學他日能大吾門其得失豈涸屋比耶

呂陶淨德集
李君墓誌

郭琮至道二年台州黃巖孝子郭琮年七十四事母
張氏備極恭順勤奉甘旨寅夕不懈遠妻子寢處母
室不飲酒茹葷者三十年誦梵典禮佛塔積膜拜之
數以七十餘萬計甘於勤勞用祝母壽張年一百四
歲視聽不衰飲食尙強里黨異之聞於轉運使使馳
詣其家召其母與之坐飲以醕耐嗟賞良久遂奏上

太宗覽而嘉之亟詔旌表其閭除其徭役

杜範郭孝子碑

許迥字光遠祁門人司封迥之弟宋師伐金陵迥爲光慶殿使分護北城迥以光慶殿承旨從兄守攻甚急矢集如雨迥被重傷戒迥曰我將死主矣汝歸慰吾親迥以身蔽迥迥罵曰君親忠孝我與汝均有不可平乃去及迥歸宋爲冠氏令強賊李潛入冠氏知迥在曰吾固聞許迥之爲人卽領徒去金惟岳子因亂爲淝水巨盜李某所俘迥直入淝水以義勸之盜厚遇迥而還金子當是時迥以節義聞河北大官屢欲薦於朝迥曰甯浮遊江淮不能就刀尺間以活寬

終淮上迥及二兄皆孝友王安石以爲迥事母如逃
之孝事兄如逃之悌蓋慷慨有大志者子會舉進士
爲太廟齋郎

新安志

姪俞字堯言新安人父遂善事母里母勵其子輒曰
汝獨不慙許伯通乎祥符中封泰山加恩羣臣仲父
逃當遷以讓遂乃以遂爲將作監主簿俞風貌魁傑
襟局峻整尙節槩不妄交游下筆立言慨然有濟世
意逃器之曰吾家千里駒也少喪母事父以孝謹聞
所欲雖千里必致後以貢如京師安輿扶持僦居都
下俞與妻子同糲糲晨夕進饌必珍厚公卿聞者率

俸佐之父年垂八十謂俞曰觀汝登科吾沒無憾矣
祥符七年果登第授濬陽從事歸有日父疾篤俞晝
夜供侍澣濯必親或問之俞言澣濯於家人之手慮
其厭也居喪毀幾滅性家貧假貸終大事或慝父所
經由涕泣永日嘗寄泊揚州通津佛舍方春閉室靜
坐未嘗出偶過瑯山別院馬上忽泣下僕問其故曰
吾父嘗寄處此也士流伏其孝服滿詔超資授揚州
從事嘗知大冶縣縣人至今稱之二子均均爲進士

新安

志

朱道誠字信中清湘人幼喪父事母俞氏至孝多病

道誠截髮求醫俞氏卒葬於湘峯景德寺之左結庵
守墳有冬筍瑞竹之異州以上聞景祐四年有旨賜
絹十疋米一斛令本州常加存撫卒於廬郡守趙晰
揭其墓曰朱孝子墓

子揚善亦廬墓側事亦聞於朝至和二年有旨賜米
帛揚善後改名冕字德文官至宣教郎

冕弟袞字補之讀書知名元符中王鞏坐司馬光黨
削尚書郎籍貶全州冕與袞日從之遊鞏嘗訪其家
以欣欣名其亭爲之作記謂德文真絕不苟補之開
爽喜文云黃庭堅南遷過湘因鞏識冕兄弟賦詩贈

之文
載

冕子浩侍母胡病不忍頃刻離左右誓不飲不葷不
娶以禱母壽

全州志

西門楫字道濟渤海人好學立義重然諾名聞北州
友人王大年母死貧甚君不待白大入哀婦裝闕之
使葬與王脫俱客而脫病且死君躬訪醫挾持臥起
至具棺斂表讖告其家乃去是後賴楫脫艱窘類如
此者尙眾以父屯田鄆中蔭太廟齋郎楫兄弟四人
而楫居長會有獄弟肅當逮其勢張甚楫奮曰肅隸
皆爲吏中好學類不可使污吾老無用其卽罪因身

會逮隨問而承弟與族人持不可楫固不變繫之累
月獄吏歎息不得已具牘竟坐免官更赦調象州司
戶參軍不赴元祐元年五月卒年五十五

學易集西門君墓誌

郭長孺逸其名成都人自言號叔之後號與郭近遂
轉爲郭早喪父執喪如成人母沒廬墓三年遂蔬食
終身氣體爽粹侃然似不能言遇人無貴賤皆下之
然其中端挺不倚終日劇談無駁雜慢談半語平生
惟好書亡他嗜丹鉛點勘筆不去手自經史百代之
書浮屠黃老之教下及陰陽地理醫卜之術皆盡其
妙著有易解十卷書解七卷道德經解二卷三教合

轍論二卷蔬食譜一卷歌詩雜文十卷以爲立身揚
名莫如孝作孝行圖守節高蹈莫如隱作高逸圖善
惡之應猶影響作陰德雜証圖各爲之論述傳于其
徒及卒門人私謚曰樂善先生

成都文類
楊天惠誄

趙彥霄政和間溫人兄弟二人父母服闋後同舉十
二年兄彥雲聲色自娛遂求析籍五年生計蕩然逋
負尙三千餘緡霄因除夕置酒邀兄嫂告曰向者初
無分爨意以兄用度不節恐皆蕩盡俱有饑寒之憂
今幸留一半亦足以給兄自今復歸中堂以主家務
卽取分書火之管鑰之屬悉以付焉且言所逋負已

儲錢償之矣兄有慚色從之次年彥霄與長子俱膺

鄉薦一舉登第

自警
篇

黃汝楫會稽人家頗富饒宜和中方臘犯境以素積金錢瘞於居室避地山間忽賊黨執白旗來揖且拜黃驚懼答拜認其人蓋舊僕也云主將拘掠士女閉之空室持金帛贖則釋之否則盡殺黃惻然問所囚幾何人曰無慮千數曰我藏物可直二萬緡欲舉以獻而贖其命可乎歸報如其請乃悉發所瘞輦輸其營千人皆得歸詣黃謝爲之誦佛祈福歡聲如雷至紹興中黃爲浦江令其子開闔閩同登乙科後二子

開闢繼之

寶慶會稽續志

李猷字嘉仲一字獻夫鄞人建炎初以婦翁沒王事自汴京詣南都行在所遇友人陳少陽東被召至舍館未定乃爲假館於太僕寺丞陳正彙東再上書不報有榜通衢斥附會李綱者猷知爲東將勸之歸而東已逮赴應天府隨戮於市猷哭且祈曰少陽以忠諫死勁節英氣當不與草木同腐吾欲收以歸葬莫能得少陽有靈其啟我心越一日得尸中行從太學來欲親護喪猷服其義并以行李付之亦不暇說

翁事而還

兩浙名賢錄

樓蘊字季發義烏人母喪廢櫛沐鹽酪不入口結廬墓左繞塚哀號塚下耕者爲之墮淚負土築墳日自課三十肩塚高數仞鄉人合詞請於郡邑刺史遣從事勞之謝曰此人子之常不願賞鄰里強之不可歲時祭享不用釋老楮幣終其世巫祝不至門人稱曰孝子龔應之請於朝從祀顏烏廟

呂祖謙樓蘊墓誌

唐傑東安人生四歲卽知孝愛繼祖母蔣老而失明傑舐之輒有光劇賊孔彥舟犯東安盡驅邑人去傑號泣詣賊營負蔣以出賊義而舍之母有奇疾食時胸腹彭亨或教以導氣法傑吸惡滿口母卽氣通得

食如是三年父卒以舌舐屍代沐浴既葬廬墓哀動山谷所居忽生異木一幹三花若堆錦起地數尺合理而上園植蔬果皆同蒂雙實紹興五年州守熊彥謀上其狀詔宣付史館賜以束帛

熊彥謀唐孝子傳

趙善應字彥遠工詩翰集文士結社流離感慨見諸篇什性純孝嘗刺血和藥愈母疾母畏雷雷輒走護之寒夜歸恐擊門驚母露坐達旦家貧諸弟未製衣不敢製一瓜果必相待共嘗之母喪哀毀骨立父病肺終諸肺不以膳母官江西兵馬都監每四方水旱警報輒不食同官燕會曰此豈樂飲時耶收故人孤

女爲己子葬同僚死不克葬者煮藥療病施食賑饑
所居夏不去草冬不破壤懼傷蟲蟄陳俊卿題其墓

曰篤行

嘉興府志

戴松字桂之弟檜字寬甫父稠婺州人爲饒州刺史
因占籍鄱陽松中童子科進士官正字檜未仕稠病
革謂松曰爾幸食祿王家念爾弟幼且貧所有田廬
悉以畀之父歿松以田宅遜弟檜弗受彼此交讓各
棲別館事聞命有司建禮遜坊以旌其義

安志

李仲發新淦人幼孤事二母俱孝生母侯氏病革仲
發割股肉手熟以進母啜之愈有橘產於庭一本合

幹楊萬里爲榜於堂曰橋瑞謝錡記之侯氏歿萬里題其墓曰李孝子生母侯孺人墓

縣志

翁蒙之崇安人孝謹順悌兄歿撫其孤甚厚嫁其女先己女父引年恩讓以予弟家居不問有無仕宦不計升黜喜周人之急不復知有難易多寡之擇卽有不逮雖奔走乞貸不憚也張孝祥忤秦檜逮繫廷尉親舊畏禍莫與通求所以爲橐餽費者無所得蒙之聞之慨然罄家貲得白金百兩遺之在江西時同寮劉氏子琦奔父喪病疫甚殆人莫敢視蒙之輿致其家蚤暮躬治粥藥琦得不死其爲常山縣尉適故相

趙鼎竄死朱崖其柩將返葬常山郡將章傑希秦檜
旨陽以善意檄蒙之護其喪陰囑之曰趙氏私爲酒
以飲役夫卽捕寘之法且併搜趙平日往來書疏欲
敗趙氏以自取美官蒙之不可陷以利又不可則脅
以威往返再三蒙之度傑意堅或更囑他吏則事不
可爲卽佯諾密以告趙夜取文書悉燬之無片紙在
翌日乃往爲搜捕者而以無所得告傑怒誣蒙之他
罪貶官同郡朱熹稱其所爲多類此云

朱子
全集

楊文修字中理諸暨人年六歲視母食多寡爲饑飽
母病輒不食年十五以母多病遂棄舉子業讀岐黃

氏書父譴之從容答曰我母常病忍能一日去母從師耶母病革藥弗效卽剖股肉和髓粥以進病遂已文修頰下生瘤大如覆杯一日由市歸中途值操瓢者穢癩不可近時暴雨至從文修求共雨蓋卽與共之行一里操瓢者左手招文修瘤右手拊背曰瘤可醫汝何報我文修未心信加去數武願瞻其人不見矣文修大悔明日視頰下瘤忽不見家人驚怪捫其背則瘤還在背矣人謂孝感所致母歿文修躬捧土成墳種樹築廬墓上居之童子婦人瞻其儀形成手加額曰佛子佛子尊官鉅人入其鄉必過其廬朱熹

嘗以常平使者道經風橋聞佛子名特就見與談名

理竟夕乃去年九十九終

宋史新編

張孚宗字巖夫福建崇安人事繼母以孝聞未冠舉於鄉游朱子門得爲學之要厚親睦鄰振貧恤乏邦人愛重之紹熙五年有盜焚掠里閭自西而來至孚宗鄉境而返後五年復作自東而西亦如之咸曰此善人也謹毋犯鄉人既賴以免孚宗乃倡爲義甲一家有警則甲眾畢集盜患由是屏息慶元初以累舉恩授官時朱子忤韓侂胄罷歸孚宗率僚友送至武夷精舍語及時事感憤激烈朱子喟然曰巖夫真可

與語因爲酣飲盡歡耆樂府一闕命同志歌之且題
名以識歲月初調江州湖口縣尉屬開禧北征縣當
孔道孚宗董餉役檢吏奸民以無擾改歸州推官辭
不赴理宗踐阼以恩轉承奉郎自號玉峯逸老

福建通志

龍震翁太和人性孝母歿未葬山寇焚掠火其居震
翁倉皇無計夫妻俱抱柩死死處有枯梅明年六月
作花事聞理宗旌其門曰孝梅里有御製詩曰南風
六月吐梅花奇絕西昌孝子家一點落英千古夜
來啼殺後樓鴉

忠孝錄

喻南強字伯強義烏人少負奇氣從陳亮游亮下大

理罪且不測門人畏當路威焰噤不敢出聲南強義
形於色貽書誚責言先生無辜受罪將賫恨入土吾
曹爲弟子當激昂慷慨以赴之乃匿影收聲以自完
是得爲士類耶走東甌見葉適備述亮寃狀適曰子
眞義士卽秉燭作書數通付之南強遂持書走越見
諸臺官誦言無忌卒直亮之寃禮部侍郎眞德秀以
言事去京兆尹迹其所至見與交游者輒罪之德秀
舟過富春南強亟往見且賦詩爲饒人皆壯之

金華
先民

傳慶元中貢於鄉上禮部不得第授富陽尉轉縉雲

丞著有梅隱筆談十四卷

宋濂喻
南強傳

王公袞字吉老會稽人其母葬山陰獅子塢爲盜所發公袞待次烏江尉居鄉物色得之乃本村無賴嵇泗德者所爲遂聞於官具服其罪止從徒斷黜隸他州公袞不勝悲憤時猶拘留鈐轄司公袞遂誘守卒飲之以酒皆大醉因手斷賊首提之自歸有司時公袞之兄佐爲吏部員外郎亟以狀白堂納官以贖弟罪事下時楊椿爲給事謂公袞復讐之義可嘉殺掘塚法應死之人爲無罪納官贖弟罪之請當不許詔從之

齊東野語

其兄佐詳列傳中

黃國華字叔文麗水人性方嚴好禮終日衣冠危坐

而施舍無倦歲歉必賤直糶穀以活民或大雪有不舉火者輒遺之里中爭者多從直其辭德祐間惡少羣聚爲盜包氏族最強號包家洞林某能搏虎斃林大將劫掠旁郡吏莫敢制惟憚國華不犯境一日殺牲盟里橋圖爲變國華適過之喻以禍福因出金帛曰汝等以貧故爲不義以此助汝何如眾慚弗敢取而去迺追與之所居之地曰弱溪元兵下處州諸大家右族爭避患其中重貨山積及聞兵猝至委之而去居人欲乘時略所有國華命左右收貯一室事定召其主悉歸之

貝瓊黃國華傳

宋史翼卷三十三終

男樹
校字